



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipal of Kaçanik

01Nr. 60/01-10961/25
Kaçanik, 26.05.2025

PROCESVERBAL

Nga mbledhja e V (pestë) e Rregullt e Komitetit për Politikë dhe Financa (Legjislatura e VII e Kuvendit të Komunës), mbajtur me 26.05.2025, në ora 11:00. Mbledhja u mbajt në katin e dytë të objektit të administratës komunale, në sallën e komiteteve të KK, me fillim pune në ora 11:00.

Nga përbërja e përgjithshme e Komiteti për Politikë dhe Financa- KPF prej 7 anëtarëve, pjesëmarrës në mbledhje ishin 7 anëtarët-të gjithë: Kemal Murseli, Kadri Krivenjeva, Rustem Zenuni, Agim Mani, Kadrije Lika-Troni, Ardita Rrahmani, Edona Luzha.

Nga Ekzekutivi i Komunës, pjesëmarrës: Kryetari i Komunës-Besim Ilazi, Nënkryetari i komunës -Sabedin Vishi, Drejtorët e Drejtorive: Qamil Stagova-DUKMM, Suad Dullovi-DBPZHR, Ramadush Osmani-DSHPE, ndërkaq nga zyrtarët, në kuadër të detyrave të punës ishin: Valdrin Dogani- ZKF, Maviye Murseli-Zyra e Kryesuesit të KK, Makfire Malsiu-Zyra e KK.

Mbledhjen e kryesoj, Kemal Murseli, Kryesues i Kuvendit.
Procesmbajtës: Makfire Malsiu, Zyrtare e Lartë për Punë të KK.

Fillimisht Kryesuesi i Kuvendit, Kemal Murseli, i përshëndeti pjesëmarrësit e kësaj mbledhje, konstatoj kuorumin, pastaj e hapi mbledhjen e V (pestë) të rregullt të KPF-së për vitin 2025, data 26.05.2025, me këtë:

REND PUNE

1. Aprovimi i Procesverbalit nga mbledhja e kaluar e KPF;
2. Propozim Vendim për bartjen e mjeteve vetanake të pashpenzuara nga vitet paraprake, në buxhetin e komunës të vitit 2025;
3. Propozim Vendim për shpallje me interes publik të parcelës kadastrale 00515-1 në ZK Kaçanik.

Lidhur me rendin e punës, e hapi diskutimin: Për diskutim nuk u paraqit kush, atëherë rendin e punës e shtroj në votim për aprovim dhe i njëjti u aprovua njëzëri. Prezentë 7. Në sja të kësaj del konstatimi së KPF,

Aprovoj

Rendin e punës në përbërje prej 3 pikave.
U kalua në shqyrtimin e pikave sipas renditjes:

1. Aprovimi i Procesverbalit nga mbledhja e kaluar e KPF;

Procesverbali i mbledhjes se kaluar të KPF u aprovua njëzëri pa vërejtje. Në sajë të kësaj del konstatimi së KPF e,

Aprovoj

Procesverbalin e mbledhjes së IV (katërt) të rregullt e Komitetit për Politikë dhe Financa (KPF) për vitin 2025 të datës 23.04.2025/ Lënda: 01Nr. 060/01-8206/25.

2. Propozim Vendim për bartjen e mjeteve vetanake të pashpenzuara nga vitet paraprake, në buxhetin e komunës të vitit 2025;

Kryesuesi i Kuvendit: Drejtori nuk është këtu, është Valdrin Dogani-ZKF, për sqarime të nevojshme. E hapi diskutimin:

z. Agim Mani: Mjetet e mbetura normal se duhet të bartën në këtë vit, ndërkaq kam një pyetje: Në planifikim të buxhetit është diçka tjetër, kurse me bartjen e këtyre mjeteve nëpër kategori të caktuara buxhetore, a ia prishë planin e buxhetit, se 906 mijë euro janë IK, gjithsej janë 1 milion e 33 mijë euro. Sa e di unë buxheti për IK ka qenë mbi 3 milion e 400 mijë euro, me këto mjete të bartura për IK, bëhen mbi 4 milion e gjysmë. Çka keni planifikuar ekstra me realizuar me këto mjete, se në kategorizim janë të njëjta, cili projekt është i planifikuar ekstra.

z. Valdrin Dogani: Në kategorizim janë të njëjta, është ruajtur struktura në IK, qysh janë planifikuar në vitin 2023 dhe 2024, tani mjetet e pashpenzuara bartën në të njëjtat projekte, me kërkesa të ndryshme për plotësimin e kontratave në projekte kapitale tjera. Të kategoria e subvencioneve, është ruajtur struktura, ndërkaq të shërbimet komunale i rialokojmë të MSH, duke u bazuar në vlerat e kontratave të nënshkruara, obligimet që i kemi.

Kryesuesi i Kuvendit: Mjetet që janë planifikuar me u destinuar, nuk mundën me u ndërruar strukturën, për shkak se janë kodet buxhetore dhe nuk mund të shtohen, përpos atyre që janë të përcaktuara me miratim të buxhetit, por janë plotësuar ato projekte, së disa projekte janë me faza, për disa nuk kanë mjaftuar mjetet, kanë qenë mjetet vetëm sa me u koduar projekti, besoj që plotësohen me këto. Lista e projekteve nuk besoj se ka ndryshuar. Mjete të pashpenzuara mbesin çdo vit, me rëndësi është mos me ngelur mjete të vitit 2023 të pashpenzuara gjatë vitit 2025, se ishte ai problemi me herët me qeverinë që nuk lejonin me u bartur mjetet në dy viteve të mëhershëm, me përjashtim të vitit të fundit. Buxheti edhe në vitin 2025 ka me pasur bartje, të mjeteve, sepse buxheti mbledhet gjatë tërë vitit dhe një pjesë e mjeteve nuk mund të shpenzohen, bartën.

z. Valdrin Dogani: Kur është miratuar buxheti i vitit 2025, ka qenë diku mbi 12,392,289€, ndërkaq me këtë bartje të mjeteve prej 1 milion e 33 mijë euro të mjeteve të pashpenzuara të vitit 2023, 2024, rritet buxheti për kalon shumë mbi 13, 625,280.26€.

z. Agim Mani: Të shumta e mjeteve 906 mijë euro të IK çka është shtuar, cili projekt, cilat janë kodet e reja që janë shtuar, se planifikimi ka qenë pa bartjen e mjeteve.

z. Valdrin Dogani: Kodet e projekteve janë të njëjta, se nuk mundemi me shtuar kode të reja buxhetore, mjetet që kanë mbetur bartën nëpër projekte.

z. Qamil Stagova: Shembull konkret, nga të HVK kanë qenë për një projekt edhe 30 mijë euro. Me përfundimin e vitit, ato mjete të pashpenzuara duhet me i ridestinuuar në atë projekt.

z. Agim Mani: Paraprakisht është bërë një plan për vitin 2025, se buxheti i vitit 2025 është miratuar.

z. Qamil Stagova: Plani ka qenë, por për vitin 2024.

z. Valdrin Dogani: Plani është, por është për të HVK të vitit 2025. Këto mjete që bartën, dalin në fondin burimor 22, të hyra të bartura nga viti i kaluar.

Kryetari i Komunës-Besim Ilazi: Që të thjeshtësojmë me tepër Valdrin, pyete se për cilin projekt po dyshon se a kanë mjaftuar mjetet apo jo, pastaj e ke me lehtë me sqaruar pse janë shtuar mjetet. Kemi edhe projekte të reja, ku janë shtuar mjetet nga granti i performancës dhe mjete nga të HVK. Projekt të ri nuk ka, por nëse doni me ditur se ku kanë shkuar ato mjete, na tregon për projektin, që të sqarojmë. Mjetet nga IK kanë shkuar në IK, mjetet nga MSh kanë shkuar në MSh se nuk kemi mundur me shkuar nga kategoritë tjera, por kemi shkuar nga e njëjta kategori buxhetore, por kanë dalë në kode të njëjta, vetëm se janë bartur.

z. Agim Mani: Sipas planifikimit buxhetor, për IK kanë qenë 3 milion e 400 mijë, mjete të mbetura, 900 mijë euro, ku janë shtuar këto mjete, në cilat projekte?

Kryesuesi i Kuvendit: Të projektet kapitale, të marrë një shembull se jam me në ngjarje, të projekti i trotuarit në Doganaj, faza 2, janë shtuar edhe 78 mijë euro se me planifikim nuk kanë qenë mjetet e mjaftueshme. Janë shtuar mjetet të terrenet sportive, mjete për bashkëfinancim të projekteve kanë qenë mjetet, është shtuar edhe një shumë, janë shtuar mjetet të rrugët urbane dhe të rrugët rurale.

Kryetari i Komunës: E kemi rrugën Teneq-Stagovë kanë qenë 80 mijë euro, tani bëhen 260 mijë euro, për atë thashë, potencojë projektin që të japim me lehtë sqarimet.

znj. Ardita Rrahmani: Po me intereson për kompensimet për mbledhje të KPF, se tani nga korriku është edhe rritja tjetër. Çka ka me ndodhur, a kemi me i marrë ato mjete. A keni marrë ndonjë përgjigje nga ministria se çka ka ndodhë me këto mjete?

Kryesuesi i Kuvendit: Mëditjet e muajit shkurt nuk janë kompensuar.

znj. Ardita Rrahmani: Nuk është puna për 170 euro, por çështja është se ne kemi me u përballë me ngritjet që bëhen në muajin korrik, se munden mos me na dalë 2 mëditje.

z. Valdrin Dogani: Kur është aprovuar buxheti i vitit 2025, në bazë të Qarkores buxhetore nuk janë ngritur pagat. Buxheti është aprovuar me 30 shtator nga KK dhe është dërguar në qeveri, ndërsa ne nuk kemi pasur ndonjë njoftim për shumën e pësuar në bazë të ngritjes së pagave. Krejt ngritja për 1 vit është 813 mijë euro. Ne jemi interesuar si me i mbuluar këto mjete, kemi dërguar shkresë në ministri, nuk kemi marrë përgjigje. Nëse vazhdon ky trend i rritjes së pagave, parashikohet që muajin dhjetor të mbesim pa paga. Ky problem nuk është vetëm të ne, secila organizatë buxhetore e ka bërë planifikimin në bazë të qarkores buxhetore. Në qarkore nuk janë parashikuar këto ngritje, por është bërë me një vendim të qeverisë.

znj. Ardita Rrahmani: Për kompensimet e muajit shkurt, çka ka ndodhur?

z. Valdrin Dogani: Nuk na kanë kthyer përgjigje as për kompensimet e muajit shkurt, veç na kanë thënë që nuk kemi fonde të mjaftueshme, raportet janë përcjellë.

znj. Ardita Rrahmani: Për këtë muaj, a kemi me i marrë kompensimet?

z. Valdrin Dogani: Për këtë muaj nuk i kemi përcjellë ende.

znj. Ardita Rrahmani: A janë pa retroaktiv?

z. Valdrin Dogani: Po, pa retroaktiv janë.

Kryesuesi i Kuvendit: Diskutime të tjera nuk ka, a jeni që ky propozim vendim të shkoj në KK? Njëzëri u pajtuan të gjithë. Prezentë 7. Në sajë të kësaj del konstatimi se KPF,

Aprovoj

**Propozim Vendim për bartjen e mjeteve vetanake të pashpenzuara nga vitet
paraprake, në buxhetin e komunës të vitit 2025. Ky Propozim Vendim i**

Rekomandohet

Kuvendit të Komunës për shqyrtim dhe aprovim.

**3. Propozim Vendim për shpallje me interes publik të parcelës kadastrale 00515-1 në ZK
Kaçanik.**

Kryesuesi i Kuvendit: E hapi diskutimin:

znj. Ardita Rrahmani: Drejtor nëse keni mundësi për ne që nuk jemi të asaj fushe, të dimë se çka parashihet në atë pjesë?

z. Qamil Stagova: PK është prapa ETC, është në emër të Nasa Hollding, kërkesë ende nuk ka bërë, por planifikon me bërë ndërtim aty. Ne e kemi pa të arsyeshme gjatë hekurudhës me ndërtuar një rrugë përtej xhamisë, me lidhë me rrugën Runjevë. Kjo rrugë e zhbllokon komunikacionin në lagjen e re. Kemi vetëm biseda, ndërkaq ende nuk ka kërkesë për ndërtim.

znj. Ardita Rrahmani: Me intereson me ditur, ku parashihet me u bërë ura se duhet me ditur kah me kaluar.

z. Qamil Stagova: Afër urës hekurudhore.

Kryesuesi i Kuvendit: A ka rrugë ekzistuese aty për me u zgjeruar, apo bëhet rrugë e re?

z. Qamil Stagova: Prona është e hekurudhës, rrugë publike që figuron në emër të komunës nuk ka.

Kryesuesi i Kuvendit: Nëse ndërtohet rruga, sa metra ka me qenë gjerësia e saj?

z. Qamil Stagova: Nuk kemi ne ndonjë projekt, ka me qenë diku, 1782m.

Kryesuesi i Kuvendit: sa ka me qenë gjerësia e rrugës.

Kryetari i Komunës: A kanë vendosur këta të hekurudhës anësore?

z. Qamil Stagova: Jo nuk kanë vendosur, është një kanal për largimin e ujërave të zeza.

Kryesuesi i Kuvendit: Nga Ferizaj deri në Gërlicë, në anën tjetër të hekurudhës, e pashë se janë duke u ndërtuar rrugën. Pse neve nuk po na lënë me zgjeruar rrugën përgjatë hekurudhës, me u vendosur mbrojtëse gjatë hekurudhës, që rruga me qenë e gjerë, me shfrytëzuar atë rrugë për të stacioni dhe kudo tjetër që na duhet?

Nënkryetari i Komunës: Sabedin Vishi: Prona është krejt e hekurudhës.

Kryesuesi i Kuvendit: Edhe në Ferizaj është pronë e hekurudhës, por përgjatë hekurudhës deri në Gërlicë po e ndërton rrugën.

z. Rrustem Zenuni: Rruga Varosh-Gërlicë, kanë me u mbyllur rrugët në pronë private, ka me u bërë rrugë e re.

Kryetari i Komunës: Sa e di unë, rruga e Varoshit, është në gjykatë me INFRAKOS.

z. Rrustem Zenuni: Rruga Varoshit nuk ka me pasur dalje këndeje.

Kryesuesi i Kuvendit: Ata janë duke e bërë rrugën edhe në këtë pjesën tjetër.

z. Kadri Krivenjeva: Rrugën e kanë bërë, kanë mbërri gati në Gërlicë.

Kryetari i Komunës: Duhet me ditur në emër të kujt është pronë, se edhe rruga e Ferizajt në disa pjesë është e gjerë.

z. Agim Mani: Nuk besoj që rruga e pengon hekurudhën.

Kryesuesi i Kuvendit: Me penguar nuk e pengon, por pronë është e hekurudhës.

Kryetari i Komunës: INFRAKOS na kanë thënë në mënyrë gojore, shtroni rrugën, por dokument nuk mundemi me iu dhënë.

Kryesuesi i Kuvendit: Ne nuk po kemi hapësira me i zgjeruar rrugët, për shkak të ndërtimeve, kështu që me u shfrytëzuar ajo pjesë për rrugë, se kjo është gati në çdo shtetet të Evropës, përgjatë hekurudhës, anëve janë rrugët.

znj. Kadrije Lika-Troni: Me PZHK , a është paraparë rrugë në atë pjesë?

Kryesuesi i Kuvendit: Plani është që 15 vjet.

znj. Kadrije Lika-Troni: Me PZHK e ri e kam fjalën.

z. Rrustem Zenuni: Pasi plani nuk është bërë ende, mundemi me paraparë.

znj. Ardita Rrahmani: A kemi me pasur PZHK këtë vit, pasi është vit zgjedhor, a lejohet me u miratuar PZHK 6 muaj para zgjedhjeve?

Kryesuesi i Kuvendit: Për këtë legjislaturë jo, besoj se 6 muaj para zgjedhjeve nuk kemi të drejtë me miratua PZHK.

Nënkryetari i Komunës: Edhe me na ardhur PZHK prej nivelit qendror, duhet paraprakisht me i zhvilluar procedurat e debatit publik me qytetarë, kështu që nuk ka kohë të mjaftueshme me aprovuar në këtë legjislaturë.

z. Agim Mani: Materialin qysh na e keni ofruar është i mangët, nuk ka sqarime të mjaftueshme.

Kryetari i Komunës: Prona është përreth shtratit të lumit Neredime kah xhamia.

znj. Kadrije Lika-Troni: Ajo rrugë mundet me u bërë rrugë një kahe.

Kryetari i Komunës: Po mundet me u bërë, por pa urë nuk mundet.

Kryesuesi i Kuvendit: Diskutime të tjera nuk ka, e shtroj në votim për aprovim kjo pikë dhe e njëjta u aprovua njëzëri me ia kaluar KK. Prezentë 7. Në saje të kësaj del konstatimi se Kuvendi i Komunës mori këtë:

Aprovoj

Propozim Vendim për shpallje me interes publik të parcelës kadastrale 00515-1 në ZK Kaçanik. Ky Propozim Vendim i

Rekomandohet

Kuvendit të Komunës për shqyrtim dhe aprovim.

Diçka tjetër për këtë takim nuk pati, mbledhja i përfundoj punimet në ora 11:30. Deri në fund të mbledhjes qëndruan të gjithë anëtarët 07.

Mbledhja e 5 (pestë) e Rregullt e Kuvendit të Komunës do të mbahet me 30.05.2025 (e martë) në ora 11:00.

Procesmbajtës
Makfire Malsiu

Makfire Malsiu

Kryesues i Kuvendit
Kemal Murseli

